

**MANIFESTO DE ADHESIÓN DAS ENTIDADES DE INICIATIVA SOCIAL: REDE DE LOITA CONTRA A POBREZA E A EXCLUSIÓN SOCIAL EN GALICIA (EAPN GALICIA), CRUZ VERMELLA EN GALICIA, CÁRITAS DIOCESANA EN GALICIA E ONCE EN GALICIA Á AXENDA SOCIAL ÚNICA DE GALICIA RENOVADA POLA XUNTA DE GALICIA E A FEDERACIÓN GALEGA DE MUNICIPIOS E PROVINCIAS**

En Santiago de Compostela, a 27 de decembro de 2021

Por unha banda,

**Fabiola García Martínez**, conselleira de Política Social, no seu nome e representación e

**Alberto Varela Paz**, presidente da Federación Galega de Municipios e Provincias (FEGAMP), no seu nome e representación,

**PRESENTAN**

O resultado da colaboración institucional entre Xunta de Galicia e FEGAMP, que se materializa nun documento renovado da Axenda Social Única de Galicia ata o ano 2024, cos axustes necesarios e novas medidas para impulsar:

- Unha resposta de acción pública o máis actualizada e adaptada posible ás necesidades sociais da sociedade galega, para maior eficacia nos seus resultados; e incluíndo novos instrumentos e formas de organización e funcionamento dos Servizos Sociais.
- Maior efectividade no exercicio dos dereitos e no acceso aos servizos sociais, de emprego, saúde, vivenda, educación, entre outros, orientados a mellorar a calidade de vida das persoas e grupos de poboación máis vulnerables.
- O reforzo os servizos e bens de atención e de prevención do risco de pobreza e exclusión nos fogares galegos, desde a coordinación, a cooperación e a avaliación, para asegurar unha abordaxe multidimensional e integrado.

Por outra banda,

**Eloína Ingerto López**, presidenta da Rede de Loita Contra a Pobreza e a Exclusión Social en Galicia (EAPN-Galicia), no seu nome e representación.

**Carmen Colmeiro Rojo**, presidenta de Cruz Vermella en Galicia, no seu nome e representación.

**José Anuncio Mouriño Rañó**, director diocesano de Cáritas Santiago e en representación de Cáritas Diocesana en Galicia, no seu nome e representación.

**Carlos Fernández Lamigueiro**, presidente do Consello Territorial de ONCE en Galicia, no seu nome e representación.

Todos eles e as organizacións e entidades que representan participaron no proceso de renovación da Axenda Social Única, a través de consultas e reunións nas que realizaron achegas, e que logo da valoración e análise do documento final resultante

#### **MANIFESTAN:**

1.- Que a abordaxe da vulnerabilidade e a exclusión social en Galicia é un obxectivo prioritario para as Administracións públicas e compartido coas entidades de acción social do terceiro sector e outras organizacións da sociedade civil, no que deben traballar en estreita colaboración e coordinación a través de marcos específicos de actuación planificada, organizada e con dotación de recursos.

2.- Que a situación pandémica, por unha banda, aumentou a pobreza e o risco de exclusión, especialmente en determinados grupos de poboación como xente nova, mulleres, persoas migrantes e con discapacidade; e, pola outra, evidenciáronse novas formas de pobreza e exclusión e intensificouse a vulnerabilidade das situacións persoais preexistentes, con alto risco de cronificación.

Todo isto precisa dun reforzo inmediato e sostido dos recursos orientados á recuperación e da activación daqueles outros que promovan a súa aceleración mentres se garante a orientación específica, cando así se precise, e a continuidade das medidas que xa traballaban con anterioridade na atención dos factores de exclusión, de xeito que se permeabilicen os seus efectos positivos a toda a poboación.

3.- Declaran que colaboraron co seu coñecemento e coas súas suxestións na renovación e actualización da Axenda Social Única de Galicia, cuxo traballo finaliza con 93 medidas clasificadas en tres bloques:

- A. Medidas dirixidas a promover que as persoas e grupos en risco ou situación de vulnerabilidade fagan efectivos os seus dereitos e o acceso a servizos de diferentes ámbitos (saúde, emprego, autonomía dixital, entre outros).
- B. Medidas orientadas a atender factores de vulnerabilidade e exclusión concretos, como a falta o escaseza de ingresos, exclusión residencial, pobreza enerxética, atención á Dependencia...
- C. Medidas para a mellora cualitativa das Administracións públicas e o seu funcionamento, e de colaboración e reforzo entre os que se inclúe o Terceiro sector.

Como consecuencia do anterior, en relación á Axenda Social Única de Galicia que promoven a Xunta de Galicia e a FEGAMP en colaboración coas entidades de acción social do terceiro sector, cada unha das persoas representantes destas entidades abaixo asinantes, e para cadanseu ámbito de representación,

**DECLARAN:**

1.- Que esta Axenda Social é unha resposta integrada e constitúe unha fronte común de esforzos para promover a inclusión social en Galicia.

2.- Que a entidade a que represento comprométese a colaborar e cooperar no desenvolvemento das medidas que integran Axenda Social Única de Galicia 2021-2024 nas que estea prevista a participación do Terceiro sector, e, no que refire á avaliación e seguimento da Axenda, a actuar de acordo ao previsto en termos de gobernanza recollidos no documento.

3.- O compromiso da entidade que represento na difusión da Axenda Social de Galicia 2021-2024 entre os restantes actores relevantes do eido dos Servizos Sociais para conseguir a súa implicación e apoio expreso.

A presidenta da Rede de Loita  
contra a Pobreza e a Exclusión  
Social en Galicia (EAPN-Galicia)



Eloína Ingerto López

A presidenta de Cruz Vermella en  
Galicia



Carmen Colmeiro Rojo

O director diocesano de Cáritas  
Santiago e en representación de  
Cáritas Diocesana en Galicia



José Anuncio Mourinho Rañó

O presidente do Consello  
Territorial de ONCE en Galicia



Carlos Fernández Lamigueiro


Pola Xunta de Galicia e a FEGAMP acéptanse as adhesións recollidas neste documento sempre que se manteñan as condicións previstas no mesmo e coa finalidade última de pór en valor as medidas comprendidas na Axenda Social Única de Galicia 2021-2024.

A conselleira de Política Social



Fabiola García Martínez

O presidente da Federación Galega  
de Municipios e Provincias



Alberto Varela Paz